



BIBLIOTHECA
UNIVERSITATIS
JAGIELLO-
NICA CRACOVENSIS

15371

kat.komp.


Mag. St. Dr.

III



15371

III







15371

III

P

v. in Polonia.

1650. Praem.

*Synopsis iuris canonici, et bullarum summorum
Pontificum, decretorum sacrorum Conciliorum
etc. collecta a. 1672.*

Dr. J. J. J. J.
K. 118/15/18

P
C
S
fi
v
M
u
&
te



pra
co
de
fes
run
gij

C
cle

SYNOPSIS

776

Iuris Canonici, & Bullarum Summorum Pontificum, Decretorum Sacrorum Conciliorum, & Constitutionum Prouincialium, Statutorum Regni, & Diplomatum Serenissimorum Regum Poloniae, ad eum effectum, ut duntaxat Professi Regulares, in Abbates Monasteriorum eligantur, & in fauorem S. Ordinis Cisterciensis indultorum, & practicatorum; ex authenticis libris, & patentibus originalibus Scripturis, collecta.

Anno Domini 1672.

15371. III

In Nomine Domini Amen.

Quoniam alijs prolixitas Iurium, & Rescriptorum Apostolicorum displicet, alijs obscuritas Styli, & ambiguitas Iuris oritur, alijs copia librorum, & Scripturarum authenticarum praesto ad manus non est; tum quia aut hoc difficultas, aut alios incommoditas legendi impedit: igitur, ut quisque eo facilius, de eisdem Iuribus pro S. Ordine Cisterciensi, super libera Electione Professorum Regularium, in Abbates Monasteriorum, sancitis, informetur, praesens Synopsis seu compendiosa Collectio de iisdem Priuilegijs edoceri volenti breuiorem & clariorem viam demonstrat.

Ex Iure Canonico.

Nemo est eligibilis in Abbatem, qui non est Professus Regularis.

Constat Primò. Quia Celestinus III. in Capitulo *Cum causam*. Libro primo Decretalium, titulo 6. de Electione, cassat electionem non Professi, ad regimen Ecclesiae Regularis assumpti;

A

BIBLIOTHECA
VNIV. IAGELL.
CRACOVIENSIS

vt o-

g.

vt ostenditur sequentibus Verbis. *Quamuis autem multi Priores continuè unus post alium, in ipsa Ecclesia per multa & longa tempora fuerint non Professi: quia tamen prefatus Presbyter Bonus non est professus obseruantiam Regularem, dubitatis (& meritò) nobis procedere non consultis &c.* Et infra. *Consultationi Vestra taliter respondemus: Quòd cum secundum legem Diuinam, non sit in boue arandum & asino; nec quisquam debeat vestem induere de lana linoq; contextam: irritetis Electionem predictam, & compellatis prefatum Presbyterum aliosque Clericos non professos, vt regulam profiteantur, & seruent, aut ipsam Ecclesiam dimittant.*

Secundò. Idem Celestinus III. lib. citato in Capitulo, *Cum ad nostram*, irritat Electiones Prælatorum non Monachorum, vt ostendunt sequentia Verba tenoris sequentis. *Cum ad nostram notitiam peruenisset, quòd, qui se pro Abbate Lexouensi gerebat, non fuit ante Monachus, quàm Electus: Nos attendentes, quòd contra Regulares traditiones illud fuerat attentatum: cum nullam spem, vel promissionem habens, vt Abbas fiat, debeat monachari: electionem de ipso factam curauimus irritare.*

Tertiò. Memoratus Celestinus III. Papa, loco citato, in Capitulo *Officii tui*. statuit, quòd in Abbatem eligi non possit, nisi instructus in Regula Monachali. Cuius Capituli essentialia Verba hæc sunt. *Nos autem Consultationi tue, taliter respondemus; quòd, cum ex his, quæ in continenti subsecuta sunt, ostendatur, quòd talis taliter non possit eligi in Abbatem, maxime pro eo quòd antequam esset discipulus, voluit esse Magister: Electionem illam irritam esse decreuimus, & inanem. Verum postquam fuerit in Regula competenter instructus, poterit in Abbatem assumi.*

Quartò. Gregorius IX. Capitulo *Cum in Magistrum*, loco citato, consulendo indemnitati Regularis disciplinæ, præcipit iuxta tenorem huiusmodi. *Mandamus, quatenus cum tales Abbates esse non debeant, qui per professionem, Monachi & Regulares Canonici non fuerint, ad amotionem eorum, quos tales inueneris (sublato appellationis impedimento) procedas.* Ratio ibidem assignatur hæc. *Cum in Magistrum assumi non debeat, qui formam discipuli non assumpsit: nec sit proficiendus qui subesse non nouit.*

Quintò. Clemens V. libro I. Clementinarum, titulo tertio de
Electio-

Electiōe, Capitulo 1. disponit non posse eligi Religiosum ad Prælaturam alterius Religionis, vbi sic dicitur. *Cum rationi non congruat, ut homines disparis professionis vel habitus, simul in iisdem monasteriis sociantur: prohibemus, ne Religiosus aliquis in Abbatem, vel Prælatum alterius Religionis, vel habitus de cætero eligatur. Quodsi secus actum exstiterit, sit eo ipso irritum, & inane.*

Sextò. Bonifacius VIII. libro 1. Sexti Decretalium, de Electiōe, Capitulo 28. declarauit, talem Monachum, qui non sit expressè Professus, non posse eligi in Abbatem. Cuius declarationis tenor sequitur talis. *Nullus Religiosus ad Abbatiam, seu Prælaturam suam vel alterius Religionis de cætero eligatur, nisi antea fuerit Ordinem Regularem expressè professus: Quodsi secus actum fuerit, eo ipso irritum habeatur.*

Septimò. Clemens V. in Extrauagantibus communibus lib. 3. tit. 2. de Præbendis, sua Constitutione, quæ incipit. *Ex superna prouidentia Maiestatis*, declarauit, non debere commendari Monasteria, personis non professis: ibidemq; cassat omnes Prouisiones, sub titulo Commendæ factas de Monasterijs, idq; ex rationibus, ut patet ex subinfertis verbis tenoris sequentis. *demumq; prospeximus euidenter, quod Ecclesiarum & Monasteriorum eorundem cura negligitur, bona & lura dissipantur ipsorum, ac subiectis eis personis, & populis spiritualiter plurimum & temporaliter derogatur, eiq; redundant ad noxam, quæ dicebantur cedere ad profectum, ac nedum ipsis, sed etiam Romanæ Matri Ecclesiæ (quæ disponente Domino ipsorum caput fore dignoscitur & Magistra) grauiora inde futura timentur pericula. Nolentes igitur his & tot, & tantis dispendijs vltius causam relinquere, sed volentes potius opportunum, & debitum in hac parte remedium adhibere, omnes, & singulas promissiones huiusmodi per nos ut (premittitur) factas quibuscunque, cuiuscunque Ordinis, dignitatis, aut status, sed etiam S. Romanæ Ecclesiæ Cardinalibus, quocunque modo, vel tempore facta noscantur, auctoritate Apostolica exnunc, ex certa scientia reuocamus, & annullamus, & decernimus de cætero non habere aliquam roboris firmitatem.*

Electio-

Electiones Prælatorum Regularium debent esse libera.

Constat Primò. Quia Celestinus III. Papa, lib. I. Decretalium, titulo de Electione, in Capitulo, quod incipit, *Quisquis Electioni &c.* statuit, vt Electiones Prælatorum Regularium sint in libertate Eligentium. Cuius Capituli verba hic inferuntur tenoris sequentis. *Quisquis electioni de se facta per secularis potestatis abusum consentire præsumpserit, contra Canonicam libertatem: & Electionis commodo careat, & ineligibilis fiat, nec absque dispensatione ad aliquam valeat eligi dignitatem. Qui verò electionem huiusmodi, quam ipso iure irritam esse censemus, præsumpserint celebrare, ab Officiis & beneficiis penitus suspendantur per triennium, Eligentium potestate privati.*

Secundò. Lucius Papa, Capitulo *Nullus*. lib. & titulo citato, cassat Electiones talium, qui per cupiditatem Ecclesias acquirunt, prout ostenditur his verbis. *Si verò aliter quis Ecclesiam adeptus fuerit, eò quòd per cupiditatem illam acquisierit, atque contra Canonica Regula disciplinam egerit, expellatur.*

Tertiò. S. Pater Benedictus in sua Regula disponens, innuit Abbatem à Monachorum Congregatione liberè eligendum esse, vt videre est in 64. Capite Regulæ, in principio, vbi de Abbatum Electione ait. *In Abbatis ordinatione, illa semper consideretur ratio, vt hic constituatur, quem sibi omnis concors Congregatio, secundum timorem Dei, siue etiam pars quamuis parua Congregationis saniori consilio elegerit.*

Quartò. Probatur testimonio Conradi Imperatoris, vt patet in Chronico Cassinensi Cap. 66. Hic pius Imperator cum Anno 1038. transmissis Alpibus in Italiam venisset, adiit S. Benedicti Cœnobi-um Cassinense, vbi à Monachis exoratus, vt eis Abbatem constitueret, negauit suum esse, dicens. *Vos unum ex vestris eligite.* Monachis autem replicantibus se non habere idoneum; Imperator nihilominus persistens in priori sua sententia respondit. *Nequaquam, sed de Congregatione præcipuè idoneum Abbatem vobis eligite,* sunt verba eiusdem Imperatoris.

Ex Bul-

Ex Bullis Summorum Pontificum.

Soli Regulares Professi sunt eligendi in Abbates Monasteriorum Ordinis Cisterciensis.

DEducitur Primò. Quia Sanctissimus Dominus Eugenius III. de Anno 1152. Calen: Augusti, per legem expressam, manu propria, cum sexdecem Cardinalibus subscriptam, hoc statuit. Exstat Constitutio illius in Monologio Cisterciens. fol. 53. ubi in Bulla, quæ incipit. *Sacro sancta Romana Ecclesia &c.* enuntiatur verbis infra scriptis. *Personam autem de alio Ordine nulla Ecclesiarum vestrarum sibi eligat in Pastorem, sicut nec vestri Ordinis aliquam Monasterius alius statuerit ordinari posse Abbatem.*

Hanc Bullam Eugenii, specialiter S. Ordini indultam in toto successiue Summi Pontifices approbarunt. quorum nomina sequuntur suo ordine, videlicet.

Anastasius IV. Anno 1153. quinto Idus Decembris. Adrianus IV. Alexander III. Et Ioannes XXIII. de Anno 1415. Sexto Calendas Februarii.

Secundò. Leo X. Papa edidit Bullam, quæ incipit. *Ex superna dispositionis arbitrio &c.* de Anno 1514. quæ Bulla apud Laertium Herubinum, in Bullario Tomo I. Pagina 475. inserta, continet hæc infra scripta verba. *Et quoniam ex Commendis Monasteriorum (ut magistra rerum experientia sapius docuit) monasteria ipsa tam in Spiritualibus, quam in temporalibus grauiter laduntur, quippe quorum edificia partim Commendatariorum negligentia, partim auaritia vel incuria collabuntur, & in dies Diuinus cultus in his magis diminuitur, passimq; obliuendi materia personis praesertim secularibus præbetur, non absque dignitatis Apostolica Sedis diminutione, à qua Commenda huiusmodi proficiuntur, ut eorum indemnitati salubrius consulatur, volumus, ac sancimus ut cum illa per obitum Abbatum, qui illis præerant, vacauerint, nullo pacto cuiquam possint commendari.*

Tertiò. Ioannes XXIII. sua Constitutione Apostolica, quæ incipit. *Ad salutare regimen.* de Anno 1415. Septimo Calendas Februarii, emanatâ ordinauit, ut Professi eligantur in Abbates Mona-

steriorum Cisterciensium; vt patet ex Verbis sequentibus, sub huiusmodi tenore. *Hac presenti Constitutione perpetuò duratura, & auctoritate Apostolica decernimus. Statuentes, quòd de cetero in prefato Ordine Cisterciensi, aut eius membris, nullus, qui de dicto Ordine non existat, cuiuscunque alterius Religionis, Ordinis, status, dignitatis, aut praeminentia fuerit, etiamsi Cardinalatus dignitate praesulgeret, Apostolica, vel alia quauis auctoritate possit vel debeat praesidentiam, gubernationem, administrationem, aut praeminentiam aliquam, per se, vel alios directè, vel indirectè, aut quouis quasito colore, quomodolibet impetrare, obtinere, regere, administrare, vel gubernare quomodocunque, aut qualitercunque. Decernentes exnunc irritum, & inane, si secus super his à quoquam, & quauis auctoritate scienter, vel ignoranter, contigerit in posterum attentari.*

Hanc Bullam successiue approbarunt vniiformiter, videlicet Nicolaus V. Papa Anno 1454. tertio Nonas Octobris. Quae approbatio existat in Monologio Cisterciensi fol. 125. Et Pius II. de Anno 1459. Septimo Calendas Augusti; vt constat ex Monologio citato fol. 134.

Quartò. Eugenius IV. Bullam, *Meditatio cordis nostri.* de Anno 1438. Idibus Decembris, vt continetur in Monologio Cisterciensi fol. 119. in fauorem Ordinis Cisterciensis edidit, ad eum effectum, vt nulla persona ad Monasteria Cisterciensia promoueatur, aut admitti valeat, nisi prius per integrum Annum probationem fecerit, & professionem Regularem emisit, vt ostendunt sequentia verba Bullae eiusdem. *Nos igitur qui Religiosarum personarum quietem, & piorum locorum conseruationem, augmentum, & pacem procurari, & propagari, intensis desiderijs affectamus, huiusmodi supplicationibus inclinati, hac perpetua sanctione statuimus, & etiam ordinamus. Quòd de cetero ad Monasteria, siue dignitates Abbatiales dicti Ordinis nulli eligantur, seu etiam promoueantur, aut in Abbates praeficiantur, seu ad illa, vel illas per Conuentus, & alios dicti Ordinis Superiores admitti valeant, & admittantur; nisi primò saltem per integrum Annum in dicto Ordine probati fuerint, & in eo professionem, per Monachos eiusdem Ordinis emitti solitam, emisit Regularem &c. decernentes quorumcunque*
Electi-

779
Electiones siue Prouisiones, aut Promotiones quomodocunque
qualitercunque, ac quauis authoritate factas, irritas & inanes, nul-
liusquē existere roboris, & momenti; Constitutionibus & ordinatio-
nibus Apostolicis, ceterisque contrariis non obstantibus quibuscunque.

Quintò. Sixtus IV. Anno 1475. Idibus Martii, in sua Bulla,
quæ incipit, *Romanus Pontifex &c.* animaduertens magna damna
& ruinas ex administratione Commendatariorum provenire, sta-
tuit, vt Commissarii, & Conuentus, quascunque personas eiusdem
Ordinis Cisterciens. in Abbates liberè & Canonicè eligant; vt appa-
ret ex sequenti textu eiusdem Bullæ, cuius Verba hæc sunt. *Liceat*
dictis Patribus Abbatibus, Commissariis, & Conuentibus, quascun-
que idoneas personas eiusdem Ordinis, in eorum & dictorum Mo-
nasteriorum, Abbates liberè, & sine difficultate aliqua canonicè
eligere, seu etiam postulare, aut etiam promouere &c.
Decernentes etiam, & eadem authoritate declarantes, exnunc,
prout extunc, & extunc prout exnunc, Monasteria ipsa, & loca
sub quibusuis gratiis, expectatiuis, vel aliis de primò vacaturis
Beneficiis, seu Monasterijs, aut specialibus vel generalibus reserva-
tionibus; & de sic vacaturis, cum vacabant, conferendi, seu com-
mendandi mandatis & nominationibus seu nominandi, & confe-
rendi, vel commendandi Beneficia, etiam Monasteria & loca qui-
buscunque principalibus facultatibus, unionibus, annexionibus, in-
corporationibus, suppressionibus, aliisque concessionibus seu Gratiis
per nos, aut sedem predictam, vel successores nostros huiusmodi, eti-
am motu & scientia similibus, aut sub quibusuis formis & expressio-
nibus verborum etiam cum prohibitoriis, & Decretorum irritanti-
um, ac derogatoriarum derogatoriis, & aliis quibusuis clausulis,
etiam talibus, per quas huiusmodi Monasteria & loca nominatim,
specificè, & expresse sub illis comprehendere viderentur, concedendis,
nullatenus comprehendere, nec ad illa se extendere, nec illarum vigore
per quoscunque expectantes, aut speciales, vel generales reserva-
tionibus habentes, vel habituros acceptari, aut aliquibus quacunque etiam
præfulgeant dignitate: ac Monasteria & loca ipsa qualitercunque,
vt præfertur, vacauerint, committi, vel commendari, seu in Com-
mendam, vel alias in titulum vel administrationem concedi posse.

Sextò. Innocentius VIII. Breue de Anno 1489. tertio Calen-

das Maij, Ordini Cisterciensi edidit, quod incipit. *Regimini uni-*
uersalis Ecclesie. in qua Bulla seu Breui, in exordio. 1. enumerantur
damna ex mala administratione Commendatariorum illata. 2. In
eadem Bulla ordinatur, vt Commendatarii Monasteria Cisterci-
ensia in manibus Commissariorum dimittant. 3. Vt conferantur
Monasteria Commendatariis, professionem Regularem facere vo-
lentibus. 4. Statuitur nulla monasteria alicui personæ commendari
posse.

Omissis duobus prioribus punctis, sequentia puncta bina patent
ex sequentibus verbis in eodem citato Breui expressis sub tali teno-
re. *Nos igitur attendentes vberes fructus, quos dictus Sacer Ordo*
hactenus in ipso agro militantis Ecclesie attulit, & propterea illius,
quem præ cæteris semper in visceribus gessimus & egerimus charita-
tis, conseruationi & augmento, debite (vt tenemur) prouidere vo-
lentes, motu proprio, non ad alicuius nobis super hoc oblata petitionis
instantiam, sed de nostra mera liberalitate, & deliberatione matura
&c. Et infra. *Authoritate Apostolica tenore præsentium huius per-*
petua & irrefragabilis Cõstitutionis Ediçto, Statuimus & ordinam⁹,
quòd omnes & singuli, ad præsens Monasteria, Prioratus, & loca
quacunq; dicti Ordinis in Commendam obtinentes, cuiuscunque di-
gnitatis, stat⁹ &c. infra mensem, postquam per Commissarium, seu
Commissarios dicti Ordinis, fuerint requisiti, Commendis Mona-
steriorum, Prioratum, quæ respectiue in eandem Commendam ob-
tinuerint seu obtinent, in manibus eorundem Commissariorum liberè
cedere, & illa realiter & in effectũ dimittere debeant & teneantur.
Et si habitum dicti Ordinis assumere, ac professionem Regularem
per Monachos illius emitti solitam, sponte emittere & obedientiam
&c. firmiter polliceri voluerint, de personis eorum &c. prouideatur
&c. Et infra ibidem: ex Consilio Cardinalium prosequitur sub
talibus verbis. *Statuentes insuper & etiam ordinantes de simili*
consilio, quòd de cætero perpetuis futuris temporibus, Monasteria,
Prioratus, Beneficia, & loca dicti Ordinis cuiuscunque persona, cu-
iuscunque dignitatis &c. vel conditionis fuerit, etiam per quascun-
que Literas, & dispensationes per Nos & sedem prædictam, vel Lega-
torum eiusdem, etiam cum motus proprii & certa scientia, & qui-
busuis aliis efficacissimis, & insolitis clausulis, etiam derogatoriis
dero-

derogatoriis, & presentibus expressè derogantibus hætenus, & pro tempore etiam consideratione Imperatoris, Regum, Reginarum, Ducum, & aliorum Principum quorumcunque, & ad eorum supplicationis instantiam, ac de Apostolica potestatis plenitudine huiusmodi concessas commendari non possunt, quodq; Religiosi dicti Ordinis literis prædictis, etiamsi quascunque sententias, Censuras, & penas Ecclesiasticas in se continerent, parere non teneantur; possintq; Conuentus Monasteriorum locorum, Prioratuum huiusmodi, Commendis prædictis non obstantibus, ad Electiones, ac Patres Abbates, seu dicti Ordinis Commissarii ad Confirmationes liberè procedere, aliàs tamen iuxta dicti Ordinis Regularia Instituta, laudabiles consuetudines, & Priuilegia Apostolica illi concessa; quæ, quoad præmissa illorum tenores, ac si de verbo ad verbum infererentur, presentibus pro sufficienter expressis, & insertis habentes, innouamus & de nouo concedimus, ac illa perpetuò & inuiolabiliter in omnibus & per omnia obseruari volumus & mandamus. Item infra adicitur. Decernentes irritū & inane, si secus super his à quopiā quauis auctoritate scienter vel ignoranter contigerit attentari: ac presentibus per quascunque Literas Apostolicas, etiam motu, & scientiâ similibus, & de Apostolica potestatis plenitudine pro tempore concessas ac quascunque clausulas, etiam derogatoriarum derogatorias, & insolitas in se continentes, derogari non posse, nisi de venerabilium Fratrum nostrorum Sanctæ Romanæ Ecclesiæ Cardinalium consilio, de quo etiam clarè constet, fuerit specialiter & expressè derogatum, & huiusmodi derogatio per trinas literas nostras, ac Romanorum Pontificum successorum nostrorum Canonicè intrantium, Abbati Monasterii Cistercii, aut Capitulo Generali huiusmodi diuersis temporibus successiuè præsentatas, fuerit prius intimatum.

Septimò. Alexandri VII. Papæ in Breui Apostolico, de Anno 1666. Die 19. Aprilis, super Reformatione Ordinis Cisterciensis, authenticè emanato, quod incipit. *In suprema sedis Apostolica*, circa Caput 64. de ordinando Abbate, notantur sequentia verba tenoris talis. Nullus in posterum, in Abbatem Generalem Ordinis Cisterciensis, qui eundem Ordinem non sit professus, eligatur; & Electio taliter facta sit ipso iure nulla, & sic eligentes panam priuationes vocis actiua, & passiva, in perpetuum eo ipso absque aliâ declaratione

claratione incurrant. Præterea eligendus iis dotibus & virtutibus sit instructus, quas S. Benedictus in hoc Cap: & secundo Regula in Abbate requirit.

OCTAUO. Clemens IX. Papa Anno 1669. die 7. Decembris in fauorem Ordinis Cisterciensis Bullam, quæ incipit. *In sublimi sedis Apostolica &c.* edidit, in qua ordinatum est, vt duntaxat Professi Regulares eligantur in Abbates Monasteriorum Cisterciensium, quod demonstratur ex subiectis verbis tenoris sequentis. *Dilecti Filii Abbates dicti Ordinis in ultimo eorum Capitulo generali Cistercii nona Maij 1667. & aliis diebus sequentibus, celebrato, congregati, publico eiusdem Ordinis bono profuturam existimârunt, prohibitionis, & penarum huiusmodi extensionem, ad alios quoscunque Ordinis prædicti, Religiosos, qui personas eundem Ordinem non professas in Abbates aliorum Monasteriorum ipsius Ordinis elegerint, nobis propterea dictus Procurator generalis humiliter supplicari fecit, vt in præmissis opportunè providere, & vt infra indulgere de benignitate Apostolica dignaremur. Nos igitur ipsius Procuratoris generalis desiderio, hac in re fauorabiliter annuere volentes, eumq; a quibusuis Excommunicationis suspensionis &c. absolutum fore censentes, huiusmodi supplicationibus inclinati, de VV. Fratrum nostrorum S. R. E. Cardinalium, negotiis & Consultationibus Episcoporum & Regularium Præpositorum consilio, nè ullus in posterum, qui Ordinem supradictum non sit expressè professus, in Abbatem cuiuscunque Monasterii eiusdem Ordinis eligatur: alioquin taliter facta Electio, sit ipso iure nulla, & sic Eligentes penam priuationis vocis actiua & passiuæ in perpetuum, eo ipso absque alia declaratione incurrant, auctoritate Apostolica tenore præsentium prohibemus, pariter & interdiciamus. Decernentes easdem presentes Literas semper firmas, validas, & efficaces existere & fore, suosq; plenarios & integros effectus sortiri & obtinere, ac ab illis, ad quos spectat, & quomodocunque spectabit in futurum inuiolabiliter obseruari, sicq; in præmissis, per quoscunque Iudices Ordinarios & Delegatos etiam Causarum Palatii Apostolici Auditores iudicari, & desiniri debere, ac irritum & inane, quidquid secus super his à quopiam quauis auctoritate scienter vel ignoranter contigerit attentari.*

Ad finem autem citatarum, & præinsertarum Bullarum, & cuiuslibet

iussibet ipsarum, vt eò facilius in suo robore conseruentur, contra contraueniētes iisdem Bullis, talis pœna fulminatur, tenoris sequentis. *Nulli ergo omnino hominum liceat hanc paginam Nostræ Constitutionis, & sanctionis infringere, aut ei ausu temerario contrauenire. Si quis autem hoc attentare præsumpserit, indignationem, Omnipotentis Dei, & Beatorum Petri & Pauli Apostolorum eius se noverit incursurum.*

Ex Sacris Generalibus Conciliis.

Regulares persona Monasteriis debent præfici.

Primò ostenditur. Quia SS Concilium Lateranense Anno 1215. celebratum, Sess. 9. Canone 3. decreuit in hæc Verba. *Et quoniam ex Commendis Monasteriorum, Monasteria ipsa, tam in Spiritualibus, quàm in temporalibus grauiter laeduntur &c. Volumus, & sancimus, vt, cum illa per obitum Abbatum, qui illis præerant, vacauerint, nullo modo cuiquam possint commendari, sed de persona idonea iuxta præscriptam Constitutionem eis ita provideatur, vt illis idonei Abbates, prout decet præfutura sint.*

Secundò. Sacrum Concilium Tridentinum Anno 1545. & sequentibus celebratū, sess. 25. Canone 21. exhorrescens Commendatariorū administrationes, præcipit Monasteria vacatura Regularibus personis conferenda esse, sub huiusmodi tenore. *Cum pleraq; Monasteria &c. ex mala eorū, quibus commissa fuerunt administratione non leuia passa fuerint tam in Spiritualibus, quàm in temporalibus detrimenta: &c. primum quidem confidit, Sancta Synodus SS. Romanum Pontificem, pro sua pietate, & prudentia curaturum, vt iis, quæ nunc commendata reperiuntur, & quæ suos Conuentus habent, Regulares persona, eiusdem Ordinis expressè professa, & quæ gregi præire, & præesse possint, præficiantur. Quæ verò in posterum vacabunt, non nisi Regularibus spectata virtutis, & sanctitatis conferantur.*

Tertiò. Idem Concilium Tridentinum Sess. 14. Can. 10. statuit iuxta tenorem sequentem. *Regularia beneficia in titulum Regularibus personis prouideri consueta, cum per obitum, aut resignationem, vel aliàs illa in titulum obtinentis vacare contigerit, tantum*

illius Ordinis, vel iis, qui habitum omninò suscipere, & professione mittere teneantur, & non aliis, ne vestem lino, lanaq; contextam induant, conferantur.

Ex Constitutionibus Synodalibus.

Religiosi in Abbates Monasteriorum sunt eligendi.

Primò demonstratur. Quia in Constitutionibus Prouincialibus Anno 1542, titulo de Abbatum Electione, latum est Decretum, vt saculares personæ non eligantur in Abbates Monasteriorum: prout ex sequentibus verbis constat sub tali tenore. *Admoniti diligenter per Clerum Reuerendissimi Domini, Dominus Archiepiscopus, Episcopi, promiserunt se deinceps in Comitibus publicis, in noua statuta, libertatem Ecclesiasticam tollentia, absque consensu Synodi Prouincialis non consensuros, prout Prædecessores eorum aliquando faciebant: maximè verò in statutum nouum, contra liberam Canonicamq; Electionem Abbatum in Monasteriis (vt scilicet soli Nobiles Monachi Abbatibus præficerentur) factum. Quod quidem statutum nouum, ut potè Regulas, & modum viuendi omnium Ordinum & Religionum eneruans, est ipso iure nullum, & statum Monachalem obligans minimè, Conditoresq; eius. nec non illi consentientes, à SS. Canonibus, & Statutis Prouincialibus, sunt excommunicati ipso facto. Et infra. Decreuit etiam sacra Synodus, ne de cetero saculares & alii, in Abbates eligantur, præterquam Monachi probati & professi, secundum singulorum Ordinum Regulares sanctiones, & antiquam consuetudinem.*

Secundo. Loco citato, Nicolaus Dziergoui⁹ Archiepiscopus Gnesnen. in Synodo Prouinciali, de Anno 1551. decreuit, his verbis sequentibus *Ille quoque grauis & antea inauditus iniuria ictus, Monasterius videtur esse inflictus, ab eis qui deberent Iura, & Priuilegia ipsorum manutenere, & illibata custodire, ea tamen sapinus ab illis irritantur, & infringuntur, dum scilicet, ab eisdem in Abbacias, titulo Commendarum, vel etiam Coadiutoriarum, saculares personæ, Regulam nunquam professæ, de facto intruduntur; reuera non Monasteriorum, neque deuotionis Causâ, sed duntaxat, vt cupiditati & ambitioni illorum satisfiat. Quare decreuit Sacra Synodus,*

vt Re-

ut Reuerendissimi Domini locorum Ordinarii, officii sui, quod tuendis Iuribus Monasticis debent, sint memores; Et ipsi ab intrudendis quouis modo, Et titulo in illa, secularibus personis abstineant, Et per alios quoscunque id fieri non patiantur Et c. diligenterq; Conuentus Monasteriorum admoneant, ut ad Abbatias, aut Praeposituras sic vacantes, viri pii graues, Et exemplares, Regulaq; periti, ac vitae sanctimoniâ conspicui, Et ad res gerendas idonei eligantur, Et promoueantur. Si verò tales Conuentus mere liberè, ac simpliciter, secularem, in sacris tamen constitutū, postulare mutuo consensu voluerint: talis non prius benedicatur, nec eius Electio seu postulatio approbetur, quoad Professionem omnium Substantialium Regula, habitū prius Regulari Et tonsura susceptis, soleniter fecerit.

Tertiò. In eodem libro Constitutionum Prouincialium, Anno 1556. Decretum super Electione Regularium personarum celebranda latum, sequitur tale. *Ad Abbatias, Et Praeposituras Regulares, ad quas execrabilis quorundam secularium Clericorum ambitio irrumperere, timore Dei abiecto, non veretur: decreuit Sacra Synodus, ut nonnisi Regulares, Et Professi, iuxta dispositionem iuris communis, deinceps liberè, cessante quouis suorum Commissariorum, vel aliarum quarumcunque personarum metu, Et coactione, eligantur.*

Quartò. Eadem Synodus Prouincialis Lib. 5. Constitut. Cap. 15. seriò præcipit, ut nonnisi Religiosi eligantur, in Prælatos Monasteriorum. Cuius Constitutionis verba hæc sequuntur. *Ius Electionis libera, Abbatum, Praepositorum, caterorumq; Prælatorum Regularium, tam Virorum quàm Monialium, secundum Sacros Canones, Conciliūq; Tridentini Decreta, ac Prouincialia statuta, penitus obseruetur, Et retineatur: dentq; operam Domini Locorum Ordinarii, eorum Regularium superiores, ut ad ea munera homines idonei, vitae honestate, Et doctrinâ clari, qui Regularem obseruantiam sint professi, vel profiteri necesse habeant, eligantur: de quorum Iuribus, Et Priuilegiis, ac libertatibus, Reuerendissimi Domini Archiepiscopi, Et Episcopi, S. R. Maiestatem benè informant, auctoritateq; sua efficiant, ne ex Cancellaria S. R. Maiestatis Literæ illis contraria cuiquam concedantur. Si verò ad falsam alicuius narrationem, importunamq; instantiam, aliquando concessa fuerint:*

rint: *tanquam Iuri communi contraria, nullum robur habere à S. R. Maieſtate decernantur. Quod ſi quis peruerſâ cupiditate impuſus, cuiusuis poteſtatis prætectu in Monasteria, eorumq; bona ſe intruſerit; is ultra penas ſacris Canonibus ſancitas, pro violatore Iuris & libertatis Eccleſiaſtica habeatur, totiuſq; Cleri nomine, contra eum, S. R. Maieſtatis præſidium imploretur.*

Ex Statutis Regni Poloniæ.

Monachi in Abbates ſunt eligendi etiam Plebei.

Primò probatur. Quia Sigismundus Primus Rex Poloniæ Anno 1538. hoc ſtatuit. Cuius Statutum reperies, apud Herburtum titulo de Abbatibus fol. 3. Cuius Tenor quoad eſſentialia liberæ electionis hic ſubiicitur. *Sigismundus. Frequentibus magnisq; petitionibus &c: & infra ſic inquit. Statuimus, ut deinceps futuris perpetuis temporibus, nemo in Abbatem cuiuſcunque Monasterii in Regno noſtro, aut etiam in Præpoſitum eligi debeat, aut poſſit: niſi qui ſit natione Polonus. Hâc cautione adiecta: ut ſi in eodem Monasterio aliquis ex nobili genere procreatus, & idoneus Monachus reperiatur, in Abbatem ante alios eligi, & recipi debeat. Vbi verò nullus nobilis idoneus, in eodem Monasterio reperiatur; tunc ex alio Monasterio eiusdem Ordinis & Religionis, vir Nobilis & idoneus erit eligendus ſeu poſtulandus. In defectu autem Nobilis idonei, licitum erit & liberum, plebeium idoneum, natione Polonum, in Abbatem eligere.*

Secundò. Ibidem Sigismundus Auguſtus Rex Anno 1550. ſtatuit & innouauit præinſertum ſtatutum, ut ſequentia verba oſtendunt. *Ut donationes Monasteriorum conſeruari poſſint facilius, renouandoq; ſtatutum Anno 1538. conditum. Statuimus; ut nemo in Abbatem eligatur, niſi Polonici, Nobilis ex Patre & Matre, generis, & homo idoneus. Quod ſi in eo Monasterio, in quo Abbatia vacabit, non reperiatur Profeſſus idoneus Nobilis, inibi aſſiduè & antiquitus habitans, ut ex eadem Diaceſi, in qua eſt Monasterium, Nobilis idoneus ſtatus ſpiritualis eligatur, & poſtuletur in Abbatem. Cumq; ſic eligetur, improfeſſus debeat Regulam profiteri.*

Diplo-

Diplomata Serenissimorum Regum Pol.

Pro eligendis Abbatibus Professis S. Cisterciensi Ordini, collata.

Primum felicitis memoriæ Serenissimi Vladislai IV. An. 1639. die 24. Iulii datū, quod incipit. *In supremo Regni &c. vbi in parenti forma Ordini Cisterciensi concessit; Cuius hæc infra scripta verba essentialia sequuntur. Porro alias omnes Abbatis Ordinis eiusdem Cisterciensi non nisi Sacerdotibus de Ecclesia, nobisq; & Republicæ benemeritis; eâ conditione, ut professione facta, Regulam, habitum, vitamq; Monasticam profiteantur, dare in posterum volumus, idq; hoc Rescripto nostro asscuramus, & declaramus.*

Secundum. Serenissimi Ioannis Casimiri, qui Anno 1667. die 20. Ianuarii suo Priuilegio quod incipit. *Ab ipso felicitis inaugurationis exordio &c. circa liberas Electiones Professorum Regularium, Ordini Cisterciensi liberas Electiones cauit sub tali tenore verborum. Præcipuè verò circa liberas Electiones, contra quarum libertatem & consuetudinem usu firmatam, si aliquid speciale à nobis vel Serenissimis successoribus nostris concessum fuerit, pro subreptitio id haberi, nec licere cuiquam in posterum à data presentium debere absque præuia Electione ad S. sedem pro dispensationibus ad capiendam poss. eff. nem recurrere sub nullitate obtentorum & rigore penarum contra Cortesanos Statuto Regni sancitarum, volumus & declaramus.*

Tertium. Serenissimi Michaelis Regis feliciter regnantis, qui insistendo iis Diplomatum & Priuilegiis suorum Antecessorum pro pietate sua & feruenti Zelo, quo erga S. Ordinem Cisterciensem ferri cognoscitur, eadem Priuilegia, suo speciali Diplomate, quod incipit. *Cum in hoc felicitis regiminis nostri exordio &c. de Anno 1669. die 29. Octobris, in omnibus punctis & clausulis approbavit. Cuius verba specialia sequentia clarè ostendunt in hunc modum Nos nihil æquius & nostræ vocationi congruentius existimantes, quàm Sacrosanctas Iuris Pontificii Ordinationes, omniaq; alia Ecclesiastica Instituta & immunitates, non solum inuiolabiliter obseruare, sed etiam conseruare, & ut ab omnibus obseruentur specialiter præcauere, ut luculentius pietatis nostræ & feruentis erga Ecclesiam Dei Zeli extet argumentum præinsertas Literas in omnibus earum punctis, clausulis, articulis, & conditionibus ac ligamentis approbandas, confirmandas &*

ratificandas esse duximus, prout quidem auctoritate nostrâ Regiâ approbamus confirmamus & ratificamus presentibus. Decernentes eas in quantum Iuri communi non repugnant, & usus earum habetur, vim & robur perpetua & inuiolabilis firmitatis obtinere debere. Stat ergo, quod soli Professi Regulares eligendi sunt in Abbates Monasteriorum S. Ordinis Cisterciensis.

Quæ omnia S. Sedi Apostolicæ ac vniuersis & singulis quibus interest. pro informatione de Iuribus & Priuilegiis Ordinis Cisterciensis concessis, offeruntur, cessura procul dubio ad laudem Dei Omnipotentis & B. Virginis MARIAE eiusdem Ordinis Singularis Patronæ & Aduocatæ honorem. De cuius eximio affectu erga memoratum S. Ordinem facile confirmabit quemlibet dulcissimâ memoria Maternæ sollicitudinis ipsius innumeris exhibita vicibus, notanter verò sub Saeto regimine Ecclesiæ felicis recordationis Innocentii II. Pontificis. Cui de extinctione præacti Ordinis cogitanti clarè apparens, teste Brito Authore, his verbis ipsius consilia composuit. *Tu Ordinem Cisterciensem, cuius ego Aduocata sum destruere conaris, sed non preualebis, & nisi citius de tuo malo proposito resipiscas, ego te & omnem potestatem tuam conteram.* Hoc ideo tangitur, vt vnusquisque aduertat quam insigne patrocinium habeat in cælis Sacer Cisterciensis Ordo dum ipsi deficit humanum: ac proinde ex hoc accendatur in amorem & conseruationem illius, securus pro suo deuoto affectu Apostolicam se consecuturum benedictionem, quam elargitur vnicuique S. Cisterciensi Ordini optimè affecto Eugenius III. Papa in sua deuotissimâ Bulla, in qua precatur talibus sublimes gratias cælestes, nimirum vt sit ipsis gratia & pax à Deo & Domino nostro IESV Christo, quatenus & hic fructum deuotionis & actionis bonæ percipiant, & apud Supremum Iudicem præmia æterna inueniant. Cuius Sanctissimis apprecationibus subnectit idem deuotus Ordo sua quoque humillima vota quotidie ingeminans cælis.

F I A T F I A T.




Regiâ
nentes
habe-
lebere.
sMo-


us in-
cienfi
nipo-
ronæ
atum
Ma-
verò
Pon-
rens,
Ordi-
is, sed
te &
quis-
r Ci-
oc ac-
deuo-
quam
enius
limes
mino
tionis
inue-
notus
s.







Biblioteka Jagiellońska



stdr0027343

